

Tiwei Pol Kewisik Ken Mit Ne Wit Kolosi

Menmen me tiwei ik

Pol kitehi God katip hirak yaaik kentar mit ne Kolosi 1:1-14

Krais hirak kire mekak te hirak kiriak mekam 1:15–2:19

Menmen mit ne weiwik me God hir nanisesim 2:20–4:6

Pol katip mit ne Kolosi him gude mikaru 4:7-18

1 ¹Hi Pol hi hire aposel ke Krais Jisas. Nipaa God hanhan kewisa hi hire mitik aposel, te hirak kehimitena hi hiriak menmen mirak. Hi hetike kau yinak Timoti ²hawir mitikit wik wewis tiwei ik ken yi mit miyapir ne weiwik miutip me God yeit wit Kolosi. Yi nawir yinan yaain, yi yises Krais werek werek. Hi hanhan God Haai kakrekyyi menmen yaaim yi eiyu werek werek.

Pol katip God hirak yaaik kentar mit miyapir ne Kolosi nises him me Krais

³Hekrit hekrit hawir witehi God hawir watip God hirak yaaik kentar yi mit yisesik. God kerekek hirak Haai ke Mitik Iuwe kau Jisas Krais. ⁴Hawir han yaaik weriuwe God watip hirak yaaik wentar hawir wemtau mit natip yi yemtau him me Krais Jisas yi yisesim werek werek. Te yi hanhan yeriuwe mit miyapir han kerek hir nises him me God, yi yekepi. ⁵⁻⁶Yi yemtau him me Krais yi yisesim werek werek, yi hanhan yeriuwe mit miyapir han yentar nipaa wi yi yinin yemtau him me God, hiram him yaaim metpi me menmen God kakrekyyiem yi yisesim. Yi yisesim yemerir menmen God kakwetiyem mamit wit kirak. Him im yaaim me God wen mepno meprer wit wit miriak mit miyapir hir nemtewem hir nire yaain. Hiram mepno mekepi mar ke nipaa him im minin men yi mit miyapir. Nipaa yi yinin yemtau menmen yaaim God epei kerekyei haiu

^a 1:1 Ef 1:1 ^b 1:2 Ro 1:7 ^c 1:3 Ef 1:16; 1Te 1:2 ^d 1:4 1Pi 1:4; Ef 1:13, 15 ^e 1:6 Ro 1:13; 1Ti 3:16

mit em, te in ek yi yertei hiram him yaaim. Yi yerteiyem yentar ^{7f}Ipafras epei ken ketpiyem, te yi yerteiyem. Hirak mitik kaiu yaaik kiriak menmen me Kraiss. Hirak ketikewawir haiu miriak menmen miutip, hirak kekepapwir katip mit him me Kraiss. ⁸Hirak kan ketpapwir God Himin Yaaik kekepi yi hanhan yeriuwe mit miyapir kerek hir nises him me God

Pol kitehi God hirak kakikaap mit miyapir neit Kolosi

^{9g}Me wi hawir winin wentau yi yises him mirak, hawir witehi God me yi mit miyapir yentar menmen hawir epei wentau yi yisesim. Hawir witehi God hirak kakikepi yi mit miyapir te yi eiyrtei menmen werek hirak hanhan yi yayisesim. God Himin Yaaik kakikepi yi mit miyapir han ki te yi ap yepitari me menmen mirak werek werek au. ^{10h}Yi eiyrtei menmen mirak werek werek, te yi yayises menmen God hirak hanhan yi yayisesim, te hirak han yaaik kakriuweri. Yi yairiak menmen yaaim heriyai heriyai, han ki kakirtei menmen me God iuwe. ¹¹ⁱGod hirak luwe te kakriak menmen yapirwe. Hawir witiwekhi hirak kakweti pinam miutip me menmen mirak iuwe hiram mamkepi yi mit miyapir, te yi han tokik eiyu me menmen enum yapirwe mamnen. ^{12j}Yi han yaaik eiyu eitip Haai kaiu God hirak yaaik. Hirak kerekek kerekyi mit miyapir yi yire yaain, te yi yayit menmen hirak kehimiteni kakwetiye. Hirak kakweti yi mit yaitike haiu mit miyapir yapirwe rem mamit wit kirak yaaik menmen enum mekremer au. ^{13k}Haiu mamtip God hirak yaaik kentar hirak kekepai haiu minaaiwir menmen enum hiram mire witaan toto hiram minin han kaiu, hirak keriyei haiu men mises Nikan kirak kerek hirak God hanhan keriuwerek iuwe, hirak Nikan naanmiprai. ^{14l}Nikan ke God kerekek hirak kekepai kaktaihis keriuwe hemkre mirak nipaa mewen, te hirak kesak menmen enum mekre han kaiu keriuwerem.

Kraiss hirak Mitik Iuwe hirak kiriak menmen kekepai

^{15m}Kraiss hirak kire God kerek haiu mit miyapir ap te mamirek taau. Hirak kerekek Iuwe kinin menmen yapirwe God kiriakem. ¹⁶ⁿHirak Kraiss kinin menmen yapirwe kentar hirak hirekes kiriak menmen mau nepni, menmen mau ti. Hirak kiriak menmen haiu miremetike menmen haiu ap te mamirem au. Im hiram mit ensel o tipir o menmeyam. God hirak kenip Kraiss hirak kiriak menmen yapirwe, te menmen yapirwe kerek mau ti o mau nepni, hiram me Kraiss. ^{17o}Nipaa menmen ap mepu wen au, hirak Kraiss kepu. Te hirak naanmire menmen yapirwe hiram mepu werek werek menterik. ^{18p}Hirak kire paan ke haiu mit miyapir kerek mises

^f 1:7 Kl 4:12; Fm 23 ^g 1:9 Ef 1:9, 16-17; Fl 1:9 ^h 1:10 Fl 1:27; Ef 2:10 ⁱ 1:11 Ef 1:19, 3:16 ^j 1:12 Ef 1:11, 18 ^k 1:13 Lu 22:53; Ef 2:2 ^l 1:14 Ef 1:6-7 ^m 1:15 Jo 1:18; 2Ko 4:4; Hi 1:3 ⁿ 1:16 Jo 1:3, 10 ^o 1:17 Jo 1:1, 8:58 ^p 1:18 Ef 1:22-23; Ap 26:23; Rev 1:5

him me God, haiu mire yink kirak. Hirak kerekek hirak haai ke menmen God kiriakem me haiu mit miyapir haiu mises him mirak. God hirak kikiak Krai kerek nipaa kaa, hirak kekrit kinin kau te hirak kakinin naanmampre menmen yapirwe. ¹⁹ Him im yaaim mentar God hanhan menmen yapirwe me Himin Kirak kaku kakikre Nikan kirak himin kirak. ²⁰ God hanhan menmen yapirwe hiram mire enun nepan, hiram meweikin mamtikerek mamu han kiutip, menmen mau ti, menmen mau nepni. Hirak kiriakem kinin menmen enum keriuwe hemkre me Krai hiram mewen mentar nu tentarakit.

²¹ Nipaa yi mit yinapen God, te yi ap yisesik au. Yi yiriak menmen enum. Yi yire mit enun nepan ne God. ²² Te Krai epei kaa kau nu tentarakit. Mar im God in ek hirak kerekeye haiu mit metikerek mau han kiutip. Krai kerekeye haiu mit em keriuwe yink kirak me wi nipaa hirak kaa, te hirak kerekeye haiu mit yaain haiu merp ninaan me God, God han kitet han kau hirak yaaik ap menmen enum mewik au. Mit ap te nansiuwe him mei enum au. ²³ Yi wen han tokik eiyu eiyises him yaaim me Krai kerek kaa kekepai haiu mit, yi ap eiwis menmen enum mamri han ki yi eiweikin sip eiwet menmen God katip kakwetaiyem, te yi eire mit yaain. Him im yi yisesim hiram him yaaim nipaa haiu mit metpiyem. Hi pol hi hire mitik God kehimitena hi hiriak menmen mirak hi hen hatip mit miyapir yapirwe nerer wit wit him yaaim yi yisesim.

Pol kikaap mit miyapir ne Kolosi

²⁴ Hi han yaaik mit newaank yink kai, te hi ekepi heriuwerem, mar ke in ek hir nerewaank. Hi hekrehir ke Krai, mit nerewaank, te hi hatip mit him mirak mamno heriyai heriyai mamkaap yi mit miyapir ne weiwik miutip me God, yi yire yink ke Krai. ²⁵ Nipaa God kehimitena hi hatip mit him mirak yaaim, te hi hekepi yi mit miyapir ne weiwik me God, har ke wok mit nikaap mit han. ²⁶ Nipaa God kepakin him im me wi yapirwe ap kewepyapirem au. Te in ek hirak kewepyapirem katip haiu mit miyapir kerek haiu misesik hirak ketpaiyem. ²⁷ Hirak hanhan kakteiknai haiu mit miyapir nirak, haiu mamirtei him mirak im hiram yaaim iuwe mamkaap mit ne Isrel nantike mit miyapir ap ne weiwik me Isrel. Him im hiram matip mar ik: Krai kau ketikewi yi eimeriyiwek hirak kakweti menmen yaaim me God. ²⁸ Te haiu mit aposel mepno mit miyapir nerer wit wit han kitet werek werek him haiu metpor me Krai. Haiu metpor him manp hir enweikin sip enwet menmen enum me tipir,

⁹ 1:19 Jo 1:16; Kl 2:9 ¹ 1:20 Ef 1:7, 10; 2:13, 16; 1Jo 2:2; Ro 5:1 ⁵ 1:21 Ro 5:10; Ef 2:12, 4:18 ¹ 1:22 Ef 2:14-16, 5:27 ¹ 1:23 Ef 3:17; Hi 3:14; Mk 16:15; 1Ti 3:16 ^v 1:24 Ef 3:13
^w 1:25 Ef 3:2, 7-8 ^x 1:26 Ro 16:25-26; Ef 3:3-5, 9-10 ^y 1:27 Ef 1:18; 1Ti 1:1 ^z 1:28 Ef 4:13

haiu meteiknor him yaaim me Krai. Haiu miriak menmen im, te haiu mamnip mit miyapir hir nanises him me Krai werek werek. ²⁹aHi hiriak menmen im wisenum, te hir nanises him me Krai werek werek. Krai hirak kari han kai wisenum te hi hiriak menmen im.

Mit ne Kolosi enweikin sip enwet him enum me nemipin

2 ¹Hi hanhan yi eiyirtei menmen im. Hi han kiteti yapirwe. Hi hiriak menmen yapirwe hikaap yi mit miyapir yeriuerem yeit wit Kolosi yetike mit miyapir han neit wit Leodisia, hir netike mit miyapir nau provins menep kerek nipaa hir nira ninaan mai au. ²bHi hiriak menmen im, te han ki hirak kaku werek yi hanhan yeriuehan, yi han ekite menmen werek, te yi eiyises God werek werek. Hi hanhan yi eiyirtei menmen nipaa God kisawinek. Krai hirak hirekes kire menmen nipaa God kisawinek. ³cHirak kerekek kekere han kirak kertei menmen yapirwe hiram mamkepai, te haiu mertei menmen me God werek werek, te haiu emises han kirak me menmen hirak hanhan haiu emisesim.

⁴dHi hetpi menmen im me Krai, te mit han ap nanri han ki nanriuwe him mir ham me nemitetpin. ⁵eHi ap hepu hetikewi au, te hi hekre han kai hi han kitet har ke hi hau hetikewi. Hi han kitet har ke hi hau hetikewi, te hi han yaaik hir menmen yi yiriakem yipiran yises han kiutip, hiram yaaim yi yises him me Krai werek werek.

Haiu emtike Krai emu han kiutip te haiu ap mamises menmen enum memitetpin

⁶fYar ke nipaa yi yemtau him me Krai yi yisesik, te in ek yi eitikerek eiyu han kiutip. ⁷gYi eitikerek eiyu han kiutip eiyir ke nu nekenpi ken ti kari tipar mamkaap nu kaku. Yi han ki eiyu tokik eiyisesik werek werek eiyir ke teinik mitik ketenen winak. Yi wen eiyises him yaaim me Krai nipaa haiu metpiyem, yi han yaaik eiriuwe God eiyu eiyintar menmen hirak kerekuyem.

⁸hYi naanempre hiras. Yi ap eiwis mit han hir naninen nanitpi him weini keremem mit han kitetim nanri han ki hir nanir ke tirpe kari han ke sak, hir nanmitipin nanriuerem au emit! Mit nar ik natip me menmen me maamrer o menmen enum me tipir me ti o me nepni. Hir ap natip menmen me Krai au.

⁹iYi ap eiyises him mir enum eiyintar Krai hirak kire God, menmen mirak yapirwe mau han ke Krai hirekes. Menmen im meteiknai God hirak kire mekak. ¹⁰jYi yeit menmen im yapirwe me God yentar yi yetike

^a 1:29 Ef 3:7, 20; Fl 4:13 ^b 2:2 Ef 3:4, 18; Kl 1:26 ^c 2:3 Ais 45:3; 1Ko 1:24, 30; Ef 3:19

^d 2:4 Ro 16:18; Ef 5:6; Kl 2:8 ^e 2:5 1Ko 5:3 ^f 2:7 Ef 3:17, 2:20-22 ^g 2:8 Kl 2:4 ^h 2:9 Jo 1:14, 16 ⁱ 2:10 Ef 1:21-22

Krais yau han kiutip. Hirak Mitik Iuwe kinin mit ensel o tipir o herwe metike menmen yapirwe. ¹¹ Mit nerekir yink ki au, hiram menmen weinim. Yi yetike Krais yau niutip, yi yeweikin sip yewet menmen enum yi yisesik, hiram mar ke hirak kerekir yink ki. ¹² Nipaa wi kerek mit nikiri neriuwe tipar, menmen im hiram mar ke yi yetike Krais yaa hir mit newisi. Hir pike nekeyi yekre tipar yerp, hiram mar ke God kerek nipaa kikiak Krais keriuwe menmen mirak iuwe, hirak kikian yi mit yetikeret yentar yi han kitet hirak kiriakem. ¹³ Nipaa yi ap yises him lo me God yiriak menmen enum yi yises han ki, te menmen im merekyi yi yire mit enun hir epei naa me menmen me God. Te God epei kikian yi mit yi yekrit yetike Krais yau yentar hirak epei kesak menmen enum mekre han ki. ¹⁴ God epei kesak menmen enum mekre han kiau. Mau tiwei nipaa Moses kewisim, hiram matip haiu mit enun, te haiu mami. Hirak God epei keit him im matip haiu enun, hiram maa wi nipaa mit newenkek Jisas kau nu tentarakit hirak kaa. Him im hiram maa metikerek. ¹⁵ God hirak kinin herwe o tipir, menmen iuwe keriuwe menmen Krais hirak kiriakem kau nu tentarakit. Hirak kininem keteikin mit miyapir hirak Iuwe, hiram au menmen weinim.

Haiu maa metike Krais

¹⁶ Him mau tiwei matip haiu mit enun te haiu mami, hiram epei au mesi. Te yi ap eiyimtau him me mit han hir neni me menmen o tipar yi yayim o me wi holide yi ap eiyisesim eiwenipi God eiriuerem o wi me wenke kaa keit pike kewep kan te yi eiwenipi God me wi im, o me wi Sabat o menmen mar im au emit! ¹⁷ Menmen im hiram mire piksa keremem kerek nipaa meteikin maamrer niau menmen maain Krais hirak kakriakem. In ek Krais epei kan kiriakem, te menmen me nipaa ein hiram weinim mamit. ¹⁸ Yi ap te eiyimtau him me mit han nanrekyi enum nantip yi ap ne weiwik me God yentar yi ap yewenipi niuk me mit ensel. Menmen im au emit! Hir natip hir nepei nityak menmen im me ensel te hir nertei haiu mit yapirwe emwenipi niuk mir. Hir natip hir enun weinin newenipi ensel, hir natip hir iuwe, te hir mit enun paan tokik nises han kir weinim. ¹⁹ Mit nar ik hir ap netike Krais nau niutip au nentar Krais hirak kire paan naanmipre haiu mit kerek haiu mire yink, haiu mau niutip. Paan hirak kikaap yink ketike hemik, nekeni, naan, hiram miniuham hiram mamre iuwe mamantar God kewetai menmen mirak iuwe.

²⁰ Yi mit miyapir yi yaa yetike Krais, te hirak kekepi yi yinaaiwir menmen enum me ti. Te yi ap eiyises menmen mit ne ti hir han kitet hir

^j 2:11 Ro 2:29 ^k 2:12 Ro 6:4; Ef 1:19-20; Kl 3:1 ^l 2:13 Ef 2:1, 4-5 ^m 2:14 Ef 2:14-16; 1Pi 2:24 ⁿ 2:15 Kl 1:13 ^o 2:16 Ro 14:1-12 ^p 2:17 Hi 8:5, 10:1 ^q 2:19 Ef 2:21, 4:15-16 ^r 2:20 Ga 4:3-5, 9

nanisesim, te God kaktip yi yaain. Te yi yenmak te yi wen yises menmen mit ne ti hir nisesim a? Yi yenmak te yi yises him lo me mit hiram matip mar ik: ^{21 s} “Yi ap eitenen menmen ham ham, o yi ap eiyinte nin menmen im eiyim, o yi ap eitiwem eiyim einewem au emit!” ^{22 u} “Him im mit keriyen hir netpim. Hiram ap meke God man au. Hir mit keriyen newetaiyem, te haiu ap mamisinehanem au emit! Haiu emim keremem. ²³ Him im hiram mari han kaiu haiu han kitet hiram yaaim mamkepai haiu mewenipi niuk me ensel, haiu mewenin han kaiu me menmen haiu mewet yink kaiu em, haiu mewaank yink kaiu. Te menmen im ap mamkepai haiu mit te haiu maminin menmen enum mekre han kaiu taau!

God kikian yi mit miyapir yetike Kraiss yi yau

3 ^{1 w} Nipaa God kikiak Kraiss kerek kekrehir ke haiu mit hirak kaa. Menmen im hiram mar ke God kikian yi mit miyapir yi yetike Kraiss yau niutip. Te yi hanhan eiyises menmen me wit ke God kerek Kraiss kau menep his yaaim me God kerek mit iuwe newi, hirak naanmipre menmen. ^{2 x} Yi han ekitet me menmen mepu wit kirak, ap menmen mau ti ik au emit! ^{3 y} Yi han ekitet me menmen mepu wit kirak Heven eiyintar yi epei yaa me menmen enum me nipaa yi yisesim. Te God kikan yi mit miyapir yetike Kraiss, yi yire niutip, God naanmipre menmen im. ^{4 z} Kraiss hirak kenipai haiu metikerek haiu mau niutip. Maain hirak pike kaknen kakwepyapir hirekes, haiu mamtikerek mamu mamit menmen yaaim me God.

Yi epei yeit himin yaaik, te yi eiyises menmen yaaim

^{5 a} Yi epei yeit himin yaaik, te yi yewenin han ki me menmen enum yi hanhanem, hiram enum me ti ik e. Hi hetpi me menmen mar im. Menmen me yi mit yetike miyapir yi yariyanhis yeweninem, o mit netike mit han neyawan, o yi hanhan yeriuwe menmen enum o yi hemkre menepam me menmen, hiram menmen enum mar ke yi yeweikin sip yewet God. Hiram mekrehir ke God. ^{6 b} Maain God kakiwaank mit miyapir kerek ap nises him mirak kakintar hir niriak menmen enum hi epei hetpiyem im e. ⁷ Nipaa yi mit miyapir yi yises han ki enuk kar ik te yi yiriak menmen enum yar ke mit miyapir kerek maain God kakiwaanki.

^{8 c} Te in ek yi eiweikin sip eiwet menmen yapirwe mar im. Yi ap han enuk eiriuwehan au, yi ap einahan eiwepnakan au, yi ap einahan eitike miye haai o mit han yi eitipan enum enum me yi yewir paan yewepik

^s 2:21 1Ti 4:3 ^t 2:21 Ef 6:4 ^u 2:22 Ais 29:13; Mt 15:9 ^v 2:22 Ef 6:5-8 ^w 3:1 Kl 2:12; Mk 12:36, 16:19; Ef 1:20 ^x 3:2 Mt 6:33 ^y 3:3 Ro 6:2; 2Ko 5:14 ^z 3:4 Fl 1:21; 1Ko 15:43; 1Jo 3:2 ^a 3:5 Ro 6:6, 11, 8:13; Ef 4:19, 5:3-5 ^b 3:6 Ef 5:6 ^c 3:8 Ef 4:25-31, 5:4

o yenke yehes yeriyaak, o menmen enum mar im au emit! ⁹⁻¹⁰ ^d ^eYi ap eiwisesanek me menmen yi yetpim au emit, eiɣintar yi epei yeweikin sip yewet menmen enum me nɪpaa yi yiriakem wi kerek yi ap yises God au. In ek, yi yire mit han yaain. God kerekyi yi mit han yeweikin yire yaain. Hekrit hekrit hirak keweikin han ki yi yire mit yaain, yi yayu yayir ke God, te yi yerteiyek werek werek. ¹¹ ^fMe menmen yaaim im God kerekyeyem hiram menmen weinim, te mit hir ne weiwik me Isrel kerek nerekir yink kir, o mit ne Grik hir ap nerekir yink kir, o mit hir nen skul o au, o mit hir netenen pewek mei yapirwe, o hir mit ap netenen menmen auri. Hiram menmen weinim. Menmen hiram iuwe hiram menmen im. Krais kerekek hirak Iuwe, hirak kau kekre han ke yi mit miyapir yapirwe kerek yi yises him mirak.

Yi mit miyapir yi eiyses menmen yaaim me hanhan yeriuwehan

¹² ^gGod epei kehimiteni yi mit miyapir nirak, hirak hanhan keriuweri iuwe. Te yi hanhan eiriuwe mit miyapir han yi eirekyor menmen yaaim. Yi ap han kitet yi yire mit iuwe au. Yi yiriak mit menmen yaaim eitpor him main main. Yi eiwis mit han hir nanises han kir me menmen te yi eiwenin han ki ap han enuk eiriuweri. ¹³ ^hMitik hak kekre nimin ke yi mit hirak mitik hak kerekyiwek enum ap kertei hiram enum, mitik hak eik katip, “Hiram menmen weinim. Maain hirak kakirtei.” Krais epei kesak menmen enum haiu miriakem, katip hiram nepei au, te haiu emises menmen mirak hirak kiriakem. Menmen mit han nerekyeyem, haiu mamisak menmen enum hir nerekyeyem haiu ap han kitetim au. Haiu mamtip hiram nepei au mesi. ¹⁴ ⁱMenmen ham im hiram minin. Yi hanhan yeriuwehan. Menmen im hiram mire let mitik kakir kau tu keiyik kiwarm laplap mirak hitokim (o tokim). Menmen me yi hanhan yeriuwehan hiram mire let, hiram mamkaap mit miyapir nau han kiutip werek werek. ¹⁵ ^jKrais epei kenipai haiu mekiyan mau meit, te haiu emwis menmen im. Hiram naanmamrai me menmen yapirwe haiu miriakem. Nɪpaa God kari han ki yi yayu yaire yink miutip, yi yayit menmen me Krais hiram mamkaap han ki kaku werek werek. Te yi han yaaik eiye eiɣinterim. ¹⁶ ^kHim me Krais hiram mamu mamkre han ki iuwe hiram naanmamri, te hiram mamkepi yi mit me wi yi yaikapan yeriuwe menmen me God yi yaitip mit han em werek werek, o yi eiwirnak eiɣikteni me menmen. Yi han yaaik yeriuwe God eitpiwek hirak yaaik, te yi eiylene henye me tiwei Sam, o yi eiylene henye ham eiɣit winak ke God, yi eiylene henye te hiram mamkaap han ki kaku tokik. ¹⁷ ^lMenmen

^d 3:9 Ef 4:22, 25 ^e 3:10 Ef 4:24 ^f 3:11 Ga 3:28 ^g 3:12 1Pi 2:9; Ef 4:2, 32 ^h 3:13 Ef 4:32, 5:2 ⁱ 3:14 Ro 13:8-10; 1Ko 13:13; Ef 4:3 ^j 3:15 Ef 4:4; Fl 4:7; 1Ko 12:13, 27
^k 3:16 Ef 5:19 ^l 3:17 1Ko 10:31; Ef 5:20

ham yapirwe yi yiriakem o yi yetpim, yi yekrehir ke Mitik Iuwe Jisas yi yiriakem. Yi eitip God hirak yaaik eiyintar menmen yaaam Kraiss hirak kerekuyem.

Him me mit miyapir hir neitan, him me nikerek nir

18^mYi miyapir kerek epei yeit mikaan ni, yi eiyimtau him mir. Menmen im hiram yaaam mentar yi yises him me Mitik Iuwe Kraiss. 19ⁿYi mikaan nir, yi hanhan eiriuwe miyapir ni. Yi ap eirekyor enum eiyitpor menmen him tokik tokik eiriwerem au emit!

20^oNikerek yi eiyises him me miye haai ni eiyintar menmen im hiram menip Mitik Iuwe God hirak han yaaik keriuwi. 21^pYi haaierer yi ap eine nikerek ni eiyitpor enum enum eiri han kir ere hir nine han enuk nemtaantiwo nau neit au emit!

Him me mit iuwe netike wok mit nir

22^qYi mit kerek yiriak menmen me mit iuwe, yi yiriak menmen yaaam keremem wi kerek hir nerp menep naanmipri yi yiriakem, te hir nantip yi yaain au emit! Hekrit hekrit yi eiriakem yaaam eiyintar yi yiriakem me mit kerek naanmipri keriyen au. Yi yiriakem eiyintar yi yinapen einip Mitik Iuwe God hirak yink enuk kakriuwi. 23^rMenmen yapirwe yi yiriakem, yi hanhan yiriakem. Menmen yi yiriakem, hiram ap me mit keriyen au. Hiram me God. 24^sYi eiriak menmen yaaam eiyintar yi yertei maain God kakweti menmen. Yi eiyit menmen kerek hirak ketenenim. Yi han ekitet menmen im. Mitik Iuwe Kraiss hirak kinin naanmipri yi yiriak menmen mirak keremem. 25^tMit miyapir kerek hir niriak enum, maain God kakrekyor menmen enum kakinterim. Hirak han kitet haiu mit yapirwe haiu mipiran.

4 1^uYi mit iuwe, yi yiriak menmen yaaam me mit kerek nerekyi menmen eiyintar yi yertei Mitik Iuwe ki Kraiss, hirak naanmipri hirak kepu wit kirak hirak kiri.

Him me mit nitehi God menmen, hir niriak menmen yaaam

2^vHekrit hekrit yi wen eiyitehi God menmen. Yi yiriakem yi han ekitet menmen werek werek yi yaitip God hirak yaaik. 3^wYewaai meruri yi yitehi God me menmen, yi eiyitiwekhi me haiu mit in. Yi eiyitiwekhi te hirak kakikepai kakwisai haiu mamwepyapir him me Kraiss nipaa God kisawinem. Hi heit winak enuk ke gavman hentar hi hatip mit him mirak. 4^xYi eiyitehi God hirak kakikepa hi tewen hatip mit him me God werek werek har ke nipaa God kehimitena hi hatip mit em.

^m 3:18 Ef 5:22 ⁿ 3:19 Ef 5:25 ^o 3:20 Ef 6:1 ^p 3:25 Ro 2:11 ^q 4:1 Lev 25:43, 53; Ef 6:9
^r 4:2 Ef 6:18; Fl 4:6 ^s 4:3 Ro 15:30; Ef 6:19; 1Ko 16:9 ^t 4:4 Ef 6:20

⁵Yi ap eiwis wi miutip mamno te yi ap eiriak menmen yaaim. Haiu ap te mamu ti ik me wi yapirwe au, te yi han ekitet werek menmen yi eiriakem mau nimin ke mit miyapir hir ap nises him me God. ⁶Menmen yapirwe yi yayitpim hiram yaaim mamkaap mit mamir ke menmen sol mewim yi yaam, te menmen mit hir nanitihi yi mit em, yi eiyirtei werek me menmen eiwenhi eiyitpor menmen.

Pol keriuwet Tikikas ketike Onisimas tatnen Kolosi

⁷Hi eriuwet Tikikas kaknen yi mit kakitpi yi mit me menmen hi hiriakem. Hirak kiau yaaik, te hi hanhan heriuwerek. Hirak mitik yaaik kekepa keriuwe menmen, hirak ketikewa hawir wiriak menmen me Mitik Iuwe Kraiss. ⁸Hi eriuwetek kaknen yi mit te hirak kakitpi menmen im. Hirak kakitpi menmen me haiu mit, te hirak kakrekyi yi han yaaik eiyu. ⁹Hi heriuwet Onisimas ketikerek ten yi mit en. Onisimas hirak kiau yinak yaaik, hirak mitik ke yi mit en. Maain hirakit tatiun ein epei au, hirakit tatitpi menmen yapirwe epei man haiu mit in.

Pol kesiuwe him yaaim men mit ne Kolosi

¹⁰Aristakas, kerek ketikewa hawir wekre winak enuk ke gavman, hirak ketike Mak hirakit tesiuwe him tetpi yi yaain. Yi yertei Mak hirak wekne ke Banabas, nipaa hi hetpi hirak kaknen yi naanmamriwek. ¹¹Josua kerek niuk mirak ham Jastas, hirak kesiuwe him ketpi yi yaain. Mitikit wikak it hirakit keretet, te weiwik me Isrel hirakit tises him me Kraiss, hirakit tekepa haiu miriak menmen me God hirakit tenipa hi han yaaik.

¹²^aEpafras keswi him ketpi yi yaain. Hirak mitik ke wit ki Kolosi, hirak kiriak menmen me Kraiss Jisas. Hekrit hekrit hirak kitehi God iuwe me yi mit, te yi han tokik eiyu me menmen me God, te yi eiyirtei werek werek menmen God hanhan yi eiyisesim. ¹³Hi hertei menmen im, te hi hetpiyem. Hirak kitehi God yapirwe me yi mit yetike mit han ne wit Leodisia netike mit ne wit Hirapolis. ¹⁴^bLuk hirak dokta kiau yaaik, hirak ketike Dimas hirakit teswi him tetpi yi yaain.

¹⁵Yi eikrehir kai yi eisiuwe him eitip mit nau yinan neit wit Leodisia hir yaain. Hir netike mite Nimpa wetike mit miyapir han hir nererik neit winak kire hir newenipi niuk me God. ¹⁶Yi nepei yekine tiwei ik epei au, yi eisiuwerek ekno mit miyapir ne God neit Leodisia te hir nanrerik nanit winak ke God ein nankinaak. Hir naniswi tiwei kir hi hewisiyek, te

^u 4:5 Ef 5:15-16; 1Te 4:11-12 ^v 4:6 Ef 4:29; 1Pi 3:15 ^w 4:7 Ef 6:21 ^x 4:8 Ef 6:22
^y 4:9 Fm 10-12 ^z 4:10 Ap 12:12, 13:13, 19:29; Fm 24 ^a 4:12 Kl 1:7 ^b 4:14 2Ti 4:10-11;
 Fm 24

yi eikinaak yayit wit ki. ^{17c}Yi eitip Akipas hirak kakriak menmen Mitik luwe God kehimitaniwekem ere epei au mamisi.

^{18d}Hi Pol heriuwe his mai hi hewisi him mai kike im pinam hetpi yi yaain. Yi ap han kaa hi hepu hekre winak enuk ke gavman. Hi hanhan God kakrekyi menmen yaaim.

Mepir keremem